

中國方志叢書·華中地方·第七八三號

據

清·白潢等修，查慎行等纂
清康熙五十九年刊本

影印

江 西 省

西 江 志

(七)

成文出版社有限公司印行

國朝

請豁除荒無疏

蔡士英

題為覆查荒無據實確報仰祈

聖鑒事

該臣看得江右地方夙稱土瘠民貧兼之連年兵燹加以天災流行死亡相枕腴產拋荒其極慘極殘之狀已經前撫臣備悉陳請無容贅矣惟是錢糧係朝廷之額課而土田實錢糧之根本必野無不闢之土斯國有惟正之供苟荒蕪之數不清催徵終為無術臣自受事來即首以此為重務實欲殫竭微忠上以報

皇上之恩

下以拯江民之溺敬將覆查前撫臣夏一鶚疏報全

卷一百四十七

藝文

一

省荒數南贛撫臣劉武元疏報南贛二府荒數嚴行查報聞

但見百姓之呈告荒蕪者墨案盈几觀其人無非菜色聽其聲莫不哀痛呼號流涕環繞馬首羣口稱荒懇乞覆查臣自以為前此報數已定豈得復有遺漏及詢之司道訪之父老

始知從前查報之時尚有地為賊踞今始恢復者有民徙他鄉今始歸來者有闔門遭戮開報無人者又有誤聽謠傳遂

巡退縮恐報荒即作官田者而前撫院痛念養莽請命之心過切故汲皇入告以希早沾浩蕩所據者僅各屬申報之文

未經委官遍勘所以冊中不無遺漏以致廣昌有續報之咨前撫輒撫各報有參差之殊而九江府屬之三縣竟有未報

之數也臣復閱前撫臣疏中亦云江民拋荒之慘亘古罕聞有司道未能臚列之語則知前報之荒實有未盡因思全省

之民莫非朝廷赤子一夫不被其澤終非溥博之

皇恩於是更委各府刑官互相踏勘令其單騎履畝遍歷坵墟

逐一清查確數具報臣已於微臣歷事方新一疏內悉陳

聖鑒隨據各刑官備造清冊通省有主荒蕪田地山塘七萬二

千二百二十二頃八十五畝八分四釐七毫二絲五忽八微

六纖四渺無主荒蕪田地山塘三萬五千三百一十八頃四

十二畝九分六釐八毫九絲五忽一微一纖六渺較前撫臣

所報實多二萬五千六頃六十七畝三分二釐四毫九絲八

忽六微六纖六渺以通省合算十分為率共荒二分九釐九

毫臣又以錢糧係

國課所關敢不鄭重其事更嚴行駁查又據司道取具該縣

不扶甘結呈報前來反覆推勘實無隱情則至清且確無如

今日覆查之數矣臣思除荒之政見今江南等省俱久已奉

行獨此江右殘黎歷遭焚殺其慘倍於他處今尚未蒙恩豁

此兵餉之壓欠京運之積逋日甚一日而窮民徒受催科之

苦究無補於國用

朝廷亦何樂有此紙上之虛數哉夫有荒而不除與除之而

不盡均貽累於百姓故不得不徹底清查以廣布我

皇上

如天之仁亟解斯民倒懸之厄也再照十三郡所屬在在

皆盜良民甘心相從以至撫之而叛殺之而亦叛者豈盡樂

於走死如鶩哉正恐今日歸來明日即追徵荒逋死於鞭箠

與死於鋒鏑一也故寧從賊而不悔耳而且貪官汙吏因荒

熟未分始則借荒為口實繼則緣荒而作姦問徵解不足則

曰有荒在問輸納不前則曰有荒在夫錢糧重務最忌者上

無一定之考成下無一定之則額牽混不清以致逋欠無已
惟除荒一舉在朝廷不過減數年有名無實之虛賦自後按
冊而督有司就熟而徵里民再有拖欠臣得以白簡從之彼
有何所託詞哉料司農歲入必有大勝於今日者矣至捌年
分貴溪贛縣信豐定南瑞金五縣已經開墾田地山塘二千
七百二十一頃四十二畝五分九釐五毫七絲三忽見造入
冊其未墾者再行嚴督有司每年務開墾若干畝遵例起科
附入考成則數年之後依舊仍完原額也用是日夜焦思不
遺餘力逐畝澄清分別等則各取印結移送戶部查覈其衛
所屯田荒數俟按臣查報外臣更不揣愚昧代民呼籲除見
查成熟之田自應照數徵糧其無主荒田見督與屯道募人
耕種有主荒田責令本主自墾其一應荒蕪無錢糧照臣所查

之數應徵

聖澤概與開除庶國計民生兩有攸賴且江民望澤已久自題
荒以來又經三載恐再延遲終於沐恩無日臣已殫精竭力
往返批駁今據該司道會詳前來覆覈無異臣謹會同江南
督臣馬國柱南贛撫臣劉武元江西按臣米襄合詞具題伏
乞

皇上軫念殘疆立賜殊恩敕部速行議覆準與除豁行臣等遵
奉施行

請汰瑞袁浮糧疏

題為請汰浮糧以甦民困以弘

聖政事順治拾年伍月貳拾玖日江西清吏司案呈奉本部送
戶部鈔出該本部題覆江西右布政使莊應會等奏前事奉

聖旨著詳察確議具奏該部知道欽此欽遵鈔出到部送司奉

此相應議覆案呈到部看得江西布政莊應會等奏稱瑞袁
二府以彫殘郡科糧獨重遺累已久議清浮糧與各府相
準臣部備查該省地糧瑞袁二府較他府雖地少糧多但疏
內科編緣由臣部並無元季明季冊籍可考合無敕下該督
撫按備查元季明季冊籍瑞袁二府科糧獨重或地係膏腴
或從前誤編苦累有何確據逐一勘實具奏以憑覆請定奪
可也既經該司案呈前來相應覆請恭候命下臣部轉行遵
奉施行等因順治拾年肆月貳拾壹日題貳拾叁日奉
聖旨依議欽此欽遵鈔出到部送司擬合照會該布政司遵照
本部覆奉

聖清內事理欽遵奉行等因臣即行江西布政司及督糧守巡

南江志

卷一百四十七

四

各道併行府縣速將袁瑞二屬浮糧緣由遵照部文逐一確
查的據前已履行尚未申覆事關民瘼即當具詳限拾日內
報以憑具題繳今據該司道府縣查據士民具控苦累緣由
及瑞袁二府志書覆看前來該臣看得瑞袁二府郡縣介在
山阜聯亘之區土壤素稱沙瘠提封悉屬山隘中多不毛之
土其地之可耕者皆山之畔而澗之濱求其沃野平原實無
幾焉夫以此磽确之區可耕者既窄而科糧偏重者蓋緣瑞
屬三縣自明初姦民黎伯安妄徵爵賞以偽寇陳友諒索餉
倍徵之冊抱獻故爾遂為定額今雖灰燼之餘無冊籍之可
據幸瑞郡志書尚存考其田糧則元至治間共編糧一十二
萬五千七百四十餘石至明洪武間則增至二十二萬五千
三百五十餘石迨後少有增減猶額載科糧二十二萬四千

四百四十一石至今相沿者即此舊明全書之數也臣再稽其戶口元至治間編戶一十四萬四千九百五十有四至明弘治間僅戶七萬四千二百四十有四矣自元至明田糧額增一倍戶口逃亡一半夫向以十四萬之戶完十二萬之糧而後以七萬戶之民而完二十二萬之糧此輕重之數難易之形固自昭然可見者若袁州四邑偏重之故亦由袁郡鄉斗與官斗有不同因明初偽將歐祥歸附之時投獻冊籍誤以二升之鄉斗報作官斗之十升今欲證之元明二代冊籍蓋年已數更疊罹兵火無怪乎無存亦幸獲明之志書其所載重賦顛末昭然可證查其田糧均係一則每畝科至一斗六升七八合不等較之接壤之境如臨之新喻上則田每畝科糧九升三合吉之安福上則民田每畝科糧七升二合夫以一地之土而賦稅重輕竟至倍相懸殊此尤易見之事也再稽袁之戶口在宋崇寧間編戶一十三萬二千二百九十有九迨至明弘治間止存六萬六百一十九矣其逃亡減損之數亦與瑞州相等此二郡之志班班可考按戶口之數自宋元至明弘治年間已消亡過半而自弘治迄今又經百五十餘歲近來屢當兵燹驚散疫癘傷亡其中消耗之戶又不知凡幾而額載之糧總未減毫末夫人愈少而賦愈覺其重則錢糧愈覺其難完所以年復一年轉相拖欠民徒受其敲朴官徒受其降罰散離相枕溝洫時盈究之亦何補於國賦也此在曩昔承平之時猶多積逋從無完期故牧斯土者曾以七分考成尚不能如期如式蓋無土而糧誠巧婦所難為矣今我

皇上親政以來洞切民隱諮諏博訪百度維新更令觀臣各陳利弊與民更始此右布政使莊應會巡南道僉事安世鼎以身親目擊之大累而為應

旨求言之直陳也倘沐

皇恩大沛洪慈軫恤二郡三百年之積困將瑞屬之糧二十二萬四千之浮數仍復宋元一十二萬五千之原額袁屬之糧每畝一斗六升七八合之誤科減照新喻上則每畝九升三合之實賦庶見在子遺得以安心茲土後來生聚必至盡力正供田野日闢國賦日增實大有裨益豈鮮淺哉

封禁山疏

題為請

旨行查山場出產木植事案查順治十年正月初四日準工部

咨內開營繕清吏司案呈奉本部送工科鈔出本部題前事

等因順治九年十一月十七日奉

聖旨著該督撫按確察具奏欽此欽遵鈔出到部奉咨該督撫按送司奉此查得封景山係江西廣信三縣交界地方相應備咨案呈到部移咨貴院查照本部題奉

聖旨事理希將封景山有無出產木植查明虛實具奏等因準此就經備行布政司會同分守湖東道行查的確詳報隨據本司左布政使盧震陽查看得封景山原係封禁山初名銅塘因其峭險歷為盜數削平之後即請封禁其來舊矣查往代黃巢倡亂偽賊借勢以流毒一方繼而葉宗留賃居燒炭兇險立穴鑄冶甲兵謀為不軌而鄧茂七為之附援三省搖動幾危信州此前鑒昭然而有據也目今山賊楊文導踞其

間未經蕩平今一旦輕議開採是啓奸人之亂謀耳況其中所產木植不過擁腫樗櫟原無合用之材兼以巉巖險峻猛獸叢居溪澗不通道路曲折不但開採有百害而無一利恐徒挑費隙而無濟於實效矣又據分守湖東南道右參議楊國禎詳同前情等因到臣據此該臣等會看得封景山即封禁山界連上饒永豐二縣之界距玉山縣二百餘里歷代以來皆行封禁粵稽舊籍議開數次然卒以無佳木可採有害於民而中止之臣奉

旨行查其峻峰峭壁溪澗之水不通外流而且毒螫猛獸聚以爲巢附山百里人煙杳絕即所產者盡係良材亦且人苦於登攀木難於出水況據該屬所報不過松楓樗櫟並無棟梁者乎若開採一行其徒費金錢罔裨實用猶可言也誠恐驚

擾甫定之赤子一經騷擾其害更有不可言者抑猶有慮焉此山昔爲鄧萊諸寇盤踞後來大費兵

文等正在會勦依巒負嶠尚繁有徒搜珍之難覓若此幽深險峻夙稱盜藪之處今日一啓其費將來恐難收拾此

開採之害更彰明著者也伏乞

皇上俯查往事軫念地方

天語嚴飭特加封禁安民葺寇兩得攸賴除取具先朝封禁圖說送部查覈外今據該司道呈詳前來謹會同具題

請議蠲豁疏

郎廷佐

題爲特陳地方情形仰祈

睿鑒以甦殘黎以固邦本事竊照江右一區厥賦下下民疲地瘠在昔已然我

國家奄有南服正明末荒歉之餘水旱頻仍彫瘵未起迨至五年間金逆構亂殺人而江右之地則盈城盈野之地也江右之民則析骨析骸之民也及巨逆授首蠡爾山寇出沒無常蟻聚鳩張所在見告民之播遷於兵燹展轉於溝壑者又三年亡何壬辰之歲旱魃肆虐始則死於兵者十之五繼又死於歲者十之五所有一二子遺則兵革轉徙之餘生耳十年十一年哀鴻漸集榛莽漸開而徵輸告急已歲獲民之半窮檐八口經營朝不謀夕臣抵任時見其流離萬狀極目丘墟隨有錢糧之拖欠獨多百姓之輸將日窘敬撫拯救之良法以培一省之根本事一疏議以本年正賦徵解如額節年

通賦帶徵一分亟籲

天恩未蒙俞允旋即與守令約曰有能徵逋無缺者註上考諸

秋可獲竭小民一分之輸將即佐軍國一分之正供併寬守

令一分之考成不謂昊天不弔入春則三月苦澇而大浸爲

之稽天入秋則三月苦旱而金石爲之焦鑠報荒之文充斥

哭之聲載道嗟嗟民力幾何堪此重困向令歲歲可以取

盈亦不至積欠之累千累萬如今日矣臣於九月內復有彙

報異常旱災亟請題豁一疏奉

旨下部尚未議覆而又不取少事姑息微催本年京運外運及

漕南二米尚不及十分之六手腕欲脫心血皆枯則是民力

已竭臣計已窮本年之賦既不能供一日之生尚不能保乃

欲以累歲之逋欠並責於一時即剜肉無補耳況敲比乎臣

既輟轉反側夙夜焦思撫字徒有其心催科實無其術在小

民或匿升斗之積不過自衛其生今且敲扑頻加哀鳴於血肉淋漓之下不啻自速其死江俗即至狡江民即至愚計不出此也我

皇上軫念饑民發帑金二十四萬大賚畿輔近復恩蠲直隸八府順治八年至十一年未完錢糧蕩哉仁恩遐邇胥甯江省僻遠即不得比於近地撫此封疆孰非

皇上之封疆嗟此赤子孰非

皇上之赤子臣非不知六師張皇司農告急蠲毫釐則缺毫釐之軍需緩須臾則遲須臾之正餉然時在今日有不敢不為

皇上告且有不忍不為

皇上告者告之則臣有冒昧之罪即不告臣亦有隱蔽之罪告

之而

皇上之愚直念百姓之疾苦而議蠲議緩則冒昧之罪可受也不告而流離之狀見於溝壑究無濟於催科考成之責

加於有司適徒苦其鞭扑而或激而走險或坐以待斃則隱蔽之罪不可受也以今日之江西視前撫臣蔡士英疏題三

年起科之江西與臣抵任時疏請帶徵一分之江西萬有不

同臣屬剝膚之痛遂不禁其言之迫切有如此者然令臣

嘿不言

皇上以江之全省付臣而至使地方之情狀疾痛不以相關緩急不以相恃朝廷亦安用此尸位之臣子乎臣謹特疏上陳

至或議全蠲或議半蠲浩蕩之恩出自

上裁非臣所敢擅請若本年豁荒分數則仍聽部議伏乞

敕下該部速為覆奪施行

請清查民田荒熟疏

佟國器

題為分別官民田土仰祈

睿鑒以順民情以清兵餉事該臣

之累而勸耕作之勤也第其間或有已墾未報致滋侵隱之弊奉文以十二年為始不納糧者不論有主無主俱為官地

則是既沛浩蕩之恩復寓綜覈之法矣江省前任撫臣蔡士

英因慮有主入官民失恒業具疏題準有主荒田於十二年

編派起科南贛二郡之民一聞徵荒之令呼號載道願將有

主之地交送屯官道府據以申詳臣念民願入官則其力不

任畊可知力既不能任畊而欲攤派熟田虛賠賦稅徒煩敲

扑何益催科且贛營兵餉壓欠甚多今署司復以荒糧一項

坐扣新餉百姓有剝膚之痛兵丁有枵腹之嗟臣目擊虔南

地方瘠薄歷年鋒鏑摧殘荆棘塞路虎豹書遊今查有主無

主荒蕪田土原報五萬零四十一石四斗四升零開墾過有

主無主荒田共一萬七千三百二十七石二斗二升零應於

十二年起科無容再議又無主荒糧一萬四千九百四十七

石零已經入官其有主未墾荒糧共一萬七千七百四十石

二斗五升零既奉有十二年為始不納糧者有主無主俱為

官地交付屯官開墾之文又奉有十二年編派起科之文未

定畫一臣伏讀

敕諭內賦役一款隱漏者自首免罪色賠者準其控告察確即

與豁免欽遵在案是以特疏題明伏祈準照不納糧為官地

之例交付屯道屯廳開墾則民隱既得寬恤軍需不致違悞

屯政亦便興舉矣

密陳逆寇疏

白色純

題為密陳逆寇煽惑負固狡謀仰祈

睿謀酌畫救生靈以安疆土事竊臣駑鈍庸材不堪驅策猥蒙

皇上知遇之恩命臣巡撫江右陛辭之日頻宣溫諭重荷恩施

臣感激涕零矢心圖報自入境以來無日無時不以安疆靖

寇為念恨不滅此兇逆而後朝食以酬狗馬報主之私是以

隨地每遇父老慰問民間疾苦之外即密詢平日風聞逆寇

情形其中大同小異事真而可採者一為逆賊割辦狡謀最

為脅從負固張本蓋以賊兵原屬有限東支西吾虛張聲勢

一竊據我地方遂將百姓割去駁辦意謂

王師所到必以無辦加罪因而鼓惑人心互相負隅死守此

愚民貪生畏咎之心非本意黨寇堅壁之計若將免究短辦

之令一行則人無恐懼民自為民賊自為賊無可施其迫脅

之謀或有好義良民內應攻擊皆不可定矣議者以為似此

則無以別奸細恐致貽誤稽查殊不知逆情甚狡既欲陰謀

作探何難留辦前行豈肯使令短辦之人自露形跡是亦理

之所必無以臣愚見合之道路之口亟寬短辦實為靖亂之

一端也再則人情顧身之外莫重於愛妻子今聞狡逆肆謀

每處屯扎多在城池村莊之外陽為百姓作外護陰借百姓

作幫手望之以為寇盜甚多其實強半皆我蒼生赤子及至

天戈所指寇即弭耳而遁我兵見人在對壘之間難分玉石

勦殺之餘例得收其家口然皆迫脅之徒究竟俱非真寇可

恨逆謀奸惡來則侵我地方去則害我百姓以致愚民來去

無從多為寇誘臣愚以為亟寬脅從免收家口俾百姓無所

驚怖亦不為賊守禦立見逆勢困窮不難盡膏斧鉞且將來克復之日免有土無民之歎除兇善後莫踰於此是又靖亂之一端也臣甫離陛下深悉我

皇上念切黔黎急欲出之水火臣身到地方察知情事敢不直抒鄙悃仰體

宸衷萬一臣言可採伏乞

皇上睿裁并敕廷臣酌議免究民人短辦免收脅從家口特發上諭通示用兵地方遵奉如此則人心自安不為寇惑各保身

家漸臻寧謐而逆勢孤單乏助可卜指日蕩平誠

皇上天之恩施社稷無疆之福至於處治大逆真寇自有朝廷法度當不在此例矣

敬陳南昌浮糧疏

張朝璘

題為遵例敬陳南昌浮糧遺累事康熙元年六月初十日準戶部咨開江西清吏司案呈奉本部送戶科鈔出該本部覆

江西右布政使王庭奏前事等因康熙元年三月十六日奏本月二十二日奉

旨該部議奏欽此欽遵於本日鈔出到部該臣等看得江西右布政使王庭奏稱江西省地瘠民貧有地方數百年重困久已上達

天聰羣沐恩施尚有南昌一府未盡蒙恩民痛浮糧苦累與瑞袁二府同事同情歷經呈控除武寧一縣係陳友諒生身之地原無派浮糧其一州六縣浮糧之數志書可憑武寧一縣未經加浮原額可較乞軫恤一方數百年之重困一體施仁具奏前來案查江西省浮糧先該前任右布政使莊應會奏稱

瑞袁二府浮糧臣部於順治十一年三月內具覆奉

旨減免欽遵在案南昌府屬既係浮糧應與瑞袁二府一同彙題何遲至今日始行具奏其各項編徵賦役全書俱照萬曆年間例開徵年久無容再議者也恭候

命下臣部遵奉施行康熙元年四月十七日奉

旨南昌府浮糧果否與瑞袁二府相同著察明再議具奏欽此欽遵於本日鈔出到部該臣等案查江西浮糧先該前任右布政使莊應會奏稱瑞袁二府科糧獨重遺累已久臣部於順治十年四月內具覆咨行該撫確查去後隨據前撫臣蔡士英將瑞袁二府屬七縣浮糧共二十萬七千七百三十四石零遺累已久緣由併將宋元舊志查明具題臣部於順治十一年三月內具覆奉

旨減免欽遵在案今右布政使王庭奏稱南昌屬寧州一州南

昌新建豐城進賢奉新靖安等六縣計浮糧一十九萬五千一百二十二兩浮米一十四萬九千一百三十一石零既係浮糧先日何不與瑞袁二府一同彙題何得至今始行具奏且臣部無志書可稽難以懸議合應請敕該督撫備查元季明季編科緣由果否與瑞袁二府同事同情有無確據備查明白具奏以憑覆請定奪可也恭候

命下臣部遵奉施行等因康熙元年五月初九日題本月十一日奉

旨依議行欽此欽遵鈔出到部送司奉此相應咨行案呈到部移咨到臣準此臣即備移撫臣併檄行布政司會同守巡南昌二道確查去後今據江西布政司左布政使余應魁詳稱

奉臣牌行併奉巡撫江西右副都御史董行各到司就經移會守巡二道去後今準移覆據南昌府呈稱據南昌縣詳為浮糧積困堪憐懇乞亟賜題豁以救民命事新建縣詳為殘邑浮糧賠累最苦乞憐查覆以救子遺以固邦本事豐城縣詳為須恩轉詳浮糧積苦救民水火以定實賦以便徵輸事進賢縣詳為懇電舊志勘查浮額以甦殘庶以廣

皇仁事奉新縣詳為浮糧遺累多年殘黎困苦已極懇察轉詳救民水火事靖安縣詳為泣呈靖邑浮糧苦累多年乞查舊額請命以救餘生事寧州詳為乞甦浮糧遺累懇查舊志詳請題豁萬世銜恩事各等因呈詳到府轉詳到道移覆到司準此該本司看得江西一省地瘠民貧所屬十三府田糧起科原不相遠其南昌與瑞州袁州三府糧額特重者緣先儒漢陳友諒竊據地少兵多重斂倍徵初因之而未改也士民歷控請汰未免因循為成額所拘止官以六分考成民以六分報完寓實錫於虛額之中未嘗不蒙矜恤之意究之終明之世官無報最民鮮報完此浮糧之徒累亦久矣幸我朝鼎定順治四年間前按院吳御史俯察輿議洞賜茶苦首以三府浮糧上聞部覆俟賦役告成另為頒示奉有

俞旨臣在部五年省鎮金逆叛變一郡人民經賊屠戮有存者皆遠逃異鄉九年莊右轄入覲時瑞袁以地遠人遙未甚經兵故牘多存具備呈揭隨因陳言入告南昌以人民未盡歸集志牘播遷無稽所以未得並陳前蔡撫部院止據陳言所及以瑞袁二府題覆即徵浩蕩追後皇恩屢有除荒豁欠之

旨日下又各上司仰體好生曲盡撫綏故南昌士民樂歸有土志續復出南瑞袁同一壤土俱為偽漢所據浮糧本同一體有志可考有前按院題疏奉

旨之案可憑恭遇

上諭詢察明朝讐怨地方錢糧科重情由是以王右轄目擊民隱據實奏明實有所不忍見聞不得不哀鳴者也幸奉

俞旨行查元季明季編科緣由果否與瑞袁二府同事同情有

無確據緣由隨經道府州縣確查回報覓有府志本司細查

宋時賦役備載南昌縣稅苗米三萬八千七百八十四石四

斗六升至明額共米一十二萬六千八百二十二石二斗八

合九勺內比宋額浮米八萬八千一百七十七石七斗六升八

九勺按明額每米一石細算銀五錢七分三釐四毫五絲九

百五

卷一百四十七 藝文

五

六微四纖共該編折色糧差地畝等銀七萬二千七百一

十五兩九錢六分八毫照以明額銀數科算內實比宋額多

浮銀五萬四百七十四兩六錢三分八釐二毫按明額每米

一石細算本色米四斗六升三合五抄九撮三圭九粟二粒

共該編本色米五萬八千七百一十六石九斗六升三合照

以明額米數科算內實比宋額多浮本色米四萬七千五百

七石四斗五升四合五勺新建縣宋額稅苗米二萬二千五

百五十二石四斗七升五合內職田米一千三百五十九石

二斗五合至明額共米六萬三千六百七十石七斗二升一

合內比宋額浮米四萬一千一百一十八石二斗四升六合

按明額每米一石細算銀六錢一分八釐八毫四絲八忽八

微共該編折色糧差地畝等銀三萬九千四百二兩五錢五

分四釐四毫照以明額銀數科算內實比宋額多浮銀二萬

五千四百四十五兩九錢八分二釐一毫按明額每米一石

細算本色米三斗九升三合六勺四抄七撮八圭九粟四粒

共該編本色米二萬五千六十三石八斗四升八合照以明

額米數科算內實比宋額多浮本色米一萬六千一百八十

六石一斗一升三合九勺豐城縣宋額稅苗米三萬五千三

十石七斗一升至明額共米一十二萬二千七百一石二斗

三升八合四勺內比宋額浮米八萬七千六百七十石五斗

二升八合四勺按明額每米一石細算銀六錢六分二釐七

毫一絲二忽五微九纖共該編折色糧差地畝等銀八萬一

千三百一十五兩六錢五分五釐三毫照以明額銀數科算

內實比宋額多浮銀五萬八千一百兩三錢六分二釐六毫

百五

卷一百四十七 藝文

六

按明額每米一石細算本色米五斗三勺三抄九撮四圭二

粟共該編本色米六萬一千三百九十二石二斗六升六合

五勺八抄照以明額米數科算內實比宋額多浮本色米四

萬三千八百六十五石二升一合二勺進賢縣宋額稅苗米

一萬七千六百九十四石九斗七升至明額共米四萬八千

三百五十五石六斗六升七合五勺內比宋額多浮米三萬六

百五十五石六斗九升七合五勺按明額每米一石細算銀

七錢七分四釐三毫六絲四忽二微一纖共該編折色糧差

地畝等銀三萬七千四百四十一兩二分七釐一毫照以明

額銀數科算內實比宋額多浮銀二萬三千七百三十八兩

六錢七分五釐六毫按明額每米一石細算本色米六斗八

勺七抄七撮四圭三粟五粒共該編本色米二萬九千五十

二石八斗二升五合四勺九抄照以明額米數科算內實比宋額多浮米一萬八千四百二十石三斗一升七合三勺奉新縣宋額稅苗米二萬二千五百五十二石四斗七升五合內職田米一千三百五十九石二斗五合至明額共米五萬三千七十七石三斗一升九合九勺內比宋額多浮米三萬五百一十七石八斗四升四合九勺按明額每米一石細算銀六錢一分三釐二毫一絲五忽六微八纖共該編折色糧差地畝等銀三萬二千五百四十三兩五錢五分二釐四毫照以明額銀數科算內實比宋額多浮銀一萬八千七百一十四兩二分一釐一毫按明額每米一石細算本色米四斗九升九合七勺二抄二撮五圭七粟六粒共該編本色米二萬六千五百二十石四斗三升七合一抄照以明額米數科算

卷一百四十七 藝文

七

內比宋額多浮米一萬五千二百五十石四斗五升六合一勺靖安縣宋額稅苗米七千五百四十石六升二合至明額共米一萬四千二百八十五石二斗二升七合六勺內比宋額浮米七千二百三十四石七斗六升五合六勺按明額每米一石細算銀八錢一分七釐三毫二忽九微九纖五抄共該編折色糧差地畝等銀一萬一千六百七十五兩三錢五分九釐一毫照以明額銀數科算內實比宋額多浮銀五千九百一十二兩九錢九分五釐六毫按明額每米一石細算本色米五斗八升七合二勺四抄一撮共該編本色米八千三百八十八石八斗七升一合五勺三抄照以明額米數科算內實比宋額多浮本色米四千二百四十八石五斗五升一合一勺分寧縣即今之寧州宋額稅苗米一萬五千五百

四十九石七斗六勺二抄至明額共米三萬一千三百八十九石二斗一升六合內比宋額多浮米一萬五千八百三十九石五斗一升五合三勺八抄按明額每米一石細算銀八錢四釐八絲四忽六微八纖共該編折色糧差地畝等銀二萬五千二百三十九兩五錢八分七釐五毫照以明額銀數科算內實比宋額多浮銀一萬二千七百三十六兩三錢一分一釐五毫按明額每米一石細算本色米六斗五升六合七勺八抄一撮共該編本色米二萬六千一百一十五石八斗四升一合四勺五抄照以明額米數科算內實比宋額多浮米一萬四百三十三石九升三合一勺以上該府屬除武寧外六縣一州宋額稅苗米一十五萬九千二百一十五石二斗五升二合六勺二抄內職田米二千七百一十八石四斗一升明

卷一百四十七 藝文

七

額官民扣改併夏稅新陞牛租等米共四十六萬二千六百九十六石六斗一升九合三勺實比宋額浮米三十萬一千五百四十四石三斗六升六合六勺八抄見沿明額編折色糧差地畝等銀三十萬三千三百三十三兩六錢九分六釐六毫照糧算浮折色銀一十九萬五千一百二十二兩九錢八分六釐七毫除浮外該徵折色銀一十萬五千二百一十兩七錢九釐九毫見共編本色漕南米二十二萬九千七百五十一石五升三合六抄照糧算浮本色米一十四萬九千一百三十一石七合除浮外該徵本色米八萬六千二百二十石四升六合六抄查武寧縣係友諒生身之地科糧依然宋額七州縣之倍加重斂不問可知而順治四年前按題疏今之所獲志書確為憑據與瑞袁二府同事同情又不問可知矣再查全書武寧

上田一畝科米五升四合零南昌上田一畝科至一斗五升四合零此又彰明較著者惟是南昌歷明三百年雖六分考成之時尚不能完敲扑徒斃今例十分全徵且奉撥餉有司惟遵功令嚴比更不能顧惜民命在有司無敢緩徵在百姓無敢緩納皆緣浮糧之苦此誠目擊心傷不容旦夕隱忍而不告者也幸遇

皇仁如天又奉

上諭查詢明朝讐怨地方錢糧科重緣由此誠洞見萬里視民如傷本部院駐節茲土民隱痼痼俯念南昌與瑞袁同事同情察覈志書確據亟賜覆題請將南昌浮糧減照宋朝實額保固邦本生全萬姓弘我

皇上輕徭薄賦之政普被元元萬世銜恩矣等因到臣據此該

臣等會看得南昌府浮糧經右布政使王庭入奏奉

旨行查元季明季編科緣由果否與瑞袁二府同事同情有無確據仰見我

皇上念切痼痼愛民之至意也臣即行據布政司會同守巡二

道確查前來南昌為元末偽漢陳友諒竊據地少兵多橫斂

倍徵明季相沿未改積困三百餘年果與瑞袁二府同事同

情順治四年間前按臣吳贊元曾將南昌瑞州袁州三府浮

糧同疏具題在部可稽今又有南昌志書開載宋元糧額可

考是則現在的實之確據也第因順治九年間前右布政司

莊應會止攜瑞袁二府呈揭八告而前撫臣蔡士英又止就

二府查明題覆故南昌一府尚未得同徵浩蕩之

皇仁耳今備查志書南昌一府除武寧縣係友諒生身之地原

無浮糧外其餘一州六縣共浮糧一十九萬五千一百二十二兩零共浮本色米一十四萬九千一百三十一石零此有志書開載鑿鑿可據伏乞

皇上軫念一方民困已極將此浮糧與瑞袁二府一視同仁則

萬民咸沐

皇恩世世無疆矣除將志書送部查考外臣謹會同江西撫臣

董合詞具題伏乞

皇上睿鑒敕部議覆施行

南瑞二府已未墾荒田升科蠲豁疏

題為彙報有主荒蕪事該臣看得南昌為省會首郡正當日

金逆盤踞之處而瑞州又密邇省會實兵戈擾攘之所二郡

之民受禍最慘故二郡之田拋荒獨多若循序勸墾而故土

與思使熟者常熟荒者不致久荒此自然之理自入官之議

與而前撫臣蔡慮恐小民既無恒產則無恒心是以有十二

年編派起科之請豈蚩赤子有無知而自認墾者煌煌功令

有縣官而代認墾者始焉包荒於熟漸至熟亦仍荒皮穿骨

立之衆視死如歸有司嘔血錐心敲扑何忍此際情形天日

為慘所以前按臣筭重光不禁痛哭上陳也隨準部文恐有

以熟作荒情弊敕臣等確查再奏若非加意密察何敢草率

具聞於是嚴檄司道履畝勘明復經勸諭小民盡力墾種今

據冊報南瑞二府十四年分勸諭百姓墾過入官荒塞及前

按臣筭重光題報未墾荒塞田地二項共見墾四千一百八

十七頃有零外尚有未墾荒塞田地山塘共二千八百七十

四頃二十五畝零取有花戶文冊前來臣已具有財用出於

田賦一疏已彙冊報部此按畝稽查之實數也反覆駁勘委無情弊但此項荒糧勸之民而民之血肉已盡責之官而官之捐輸無計號號子遺忍死須臾以待者惟望

皇恩之是沛耳若仍責以包荒取盈於原額則官民交困夫復何言臣知國用浩繁曷敢再議請蠲然民命所係蚤夜寒心與其責紙上之空逋不如沛朝廷之德意儻微

皇恩浩蕩將已墾者三年起科未墾者槩允蠲豁由此鼓勵開荒則殘民漸保生聚而國賦歲有常征矣

題報照額蠲浮晚諭士民疏

題為遵例敬陳南昌浮糧遺累事康熙二年三月初五日準戶部咨開江西清吏司案呈奉本部送戶科鈔出該本部題覆江西總督張題前事等因康熙元年十一月初十日題十

南華志 卷一百四十七 藝文

主

二月十九日奉

旨該部知道欽此欽遵於本月鈔出到部該臣等查得先該右布政使王庭奏稱南昌府屬為偽漢陳友諒竊據錢糧加徵浮於宋元志書為南昌之民苦累具陳臣部以南昌府屬既係浮糧應與瑞袁二府彙題何遲至今始行具奏其各項錢糧編徵已久無庸再議等因具覆奉有南昌府浮糧果否與瑞袁二府相同著察明再議具奏之

旨臣部無志書可稽難以懸議請敕該督撫備查元李明季編科緣由果否與瑞袁二府同事同情有無確據備查明白具奏以憑覆請定奪等因具覆奉有依議行之

旨欽遵行文在案今據總督張巡撫董疏稱南昌府屬除武寧縣係陳友諒生身之地原無浮糧外其餘一州六縣共浮折

色銀一十九萬五千一百二十二兩零共浮本色米一十四萬九千一百三十一石零此有志書開載鑿鑿可據將志書送部覆查等因具題前來臣部備查志書內載南昌府屬南昌新建豐城進賢奉新靖安寧州等六縣一州宋時原定徵米共一十五萬九千二百一十五石二斗五升零因陳友諒浮加派徵米三十萬一千五百四十四石三斗六升零二項共米四十六萬二千六百九十九石六斗一升零內折銀三十萬三千三百三十三兩六錢九分零又派徵本色米二十二萬九千七百五十一石五升舊志書明季徵米折銀與宋額磨對浮米折銀一十九萬五千一百二十二兩九錢八分零浮本色米一十四萬九千一百三十一石零案查瑞袁二府浮糧先經前撫蔡覆查題奏臣部具覆奉

南華志 卷一百四十七 藝文

主

旨減免欽遵在案今南昌府屬浮糧查與瑞袁二府事同一體其所浮銀米似應清減但歷年舊額相沿已久事關錢糧臣等未敢擅便伏乞

睿裁恭候

命下臣部遵奉施行等因康熙元年十二月二十六日題本月

二十八日奉

旨袁瑞二府浮糧既經減免這南昌府浮糧也著照二府例行欽此欽遵鈔出到部送司奉此相應咨行案呈到部擬合就行為此合咨前去煩為查照本部覆奉

旨內事理欽遵榜示曉諭士庶仍將南昌等六縣寧州一州減免浮糧數目備細造冊題報以憑核查其江省賦役全書另行刊刻進呈頒行各衙門遵照施行等因到臣與撫臣隨即

大張榜示通行曉諭務令六縣一州紳衿士庶咸使週知普沾恩惠併備行司道府縣查造減浮細冊呈繳以憑題報去後今據布政司左布政使余應魁詳稱奉_臣與撫_臣牌行前事行據南昌新建豐城進賢新靖安六縣寧州一州各將應減浮糧細數開報前來本司逐一覆覈彙造各款清冊併將各屬田地山塘原編銀米減浮除荒實徵數目另造簡明揭帖聽候查覈外該本司查看得南昌府屬六縣一州丁田二項原共額銀三十三萬五千二十八兩二錢二分七釐三毫內汰浮除南新豐三縣各色免銀二十兩四錢八分七釐七毫五絲連靖安縣新陞田該減銀三錢六分七釐九毫實共減銀一十九萬五千一百二兩八錢六分六釐八毫五絲又除荒蕪缺丁共銀九千二百二十五兩八錢三分八釐二

卷一百四十七 藝文 三

實徵銀一十三萬六千九百九十九兩五錢二分二釐二毫五絲內戶禮兵工四部本折共實徵銀四萬五千七百六十五兩二錢六釐二毫七絲八微隨漕項下共實徵銀五千七百一兩七錢四毫一忽九微八纖存留兵餉及經費各項共實徵銀七萬七千二百三十兩零八錢八分四毫二絲七忽八微四纖裁解各款共實徵銀二千一兩七錢三分五釐一毫四絲九忽三微八纖原編本色併靖安新陞共米二十二萬九千七百五十一石五斗六升九合八勺九抄汰浮連靖安新陞田該減米二斗六升四合三勺八抄共減米一十四萬九千一百三十一石二斗七升一合三勺八抄荒蕪除新建新陞米抵外實減米二千四百一十五石八斗八升一勺一抄各州縣實徵漕南米七萬八千二百四石四斗一升八合

四勺俱備細分晰各部寺錢糧款項造具清冊併將武寧縣仍照原數開造以備查考合就詳繳本部院俯賜覈明具題外仍俟覆允至日照刊全書進呈分送各部寺備照施行等因到_臣據此該_臣等會看得南昌府屬浮糧小民苦累三百餘年感沐

皇恩浩蕩準與瑞袁二府一例豁免六縣一州白叟黃童歡呼載道不啻出諸湯火而登之衽席也_臣等一準部文隨即榜示曉諭士民仰遵

俞旨之日為始一應錢糧照額減浮普沾實惠不許奸胥猾里毫有涸徵作弊併取減免浮糧細數造冊呈報去後今據布政司逐一彙造細冊前來_臣等覆覈無異第州縣錢糧數目繁多不敢彙列疏內煩瀆

卷一百四十七 藝文 三

題為各冊分晰明白併造簡明揭帖聽候部_臣覆覈至日題刊正全書另疏進呈以垂千萬世不朽之鴻恩也除將減浮冊揭分送戶禮兵工四部查考外_臣謹會同江西撫_臣會同具題伏乞

上敕部覈覆行_臣等遵奉施行

請除荒疏 王新命

題為導諭陳言仰祈

聖鑒採擇事康熙十八年八月十八日_臣準吏部咨開七月二十八日已時地震奉

上諭諭吏部等衙門目今應行應革事宜著在外督撫明白條奏直言無隱欽遵移咨到_臣伏讀再四仰見我

皇上遇災修省敬天勤民之至意雖古帝王亦不是過也_臣以

至微至賤荷蒙拔置藩司分無言責任事經年毫無善狀何敢越位瀆奏但因護理巡撫印務恭遇

皇上聖不自聖念切如傷大沛綸音勵精圖治臣又何敢緘默謹就江右目前民生疾苦之至切應行者為我

皇上敬陳之臣惟賦稅產於田畝而耕鑿資乎民力有人然後有土由來尚矣江右接壤楚粵閩浙自遭諸逆變叛人民死徙田土荒蕪傷殘蹂躪之狀蕩析仳僞之慘什倍他省久在

皇上睿鑒之中仰荷

皇恩特沛浩蕩將十六年以前積欠錢糧盡行蠲免窮陬僻壤踊躍歡呼大小臣工靡不盡力招徠加意開墾以供國課以備兵食又何敢輕議開除荒缺但自十三年變叛之後殺戮逃亡人丁七十餘萬口拋荒田地一十七萬餘頃迨康熙十

八年冬春之間雖已招補人丁二十餘萬口開墾田地八

萬餘頃然而丁田實荒實缺者尚居過半原額之田地固猶

然在野而死亡之人丁實難期必於旦夕今若令照額徵解歲歲取盈勢必將此無徵之虛賦重科之現在之丁田即將

小民日事敲扑究無補於國用竊恐逃散者畏而不歸歸者復畏而思逃是欲取盈國賦而反致虧國賦矣臣愚以為一

應荒缺無徵暫請開除祇就現在招墾者徵收其未墾之田缺額之丁容臣等嚴督各屬廣行招徠隨墾隨徵將見小民

聞風樂歸爭先復業賦稅可計日而增舊額可按籍而復是除荒實所以益賦寬民正所以裕國雖暫緩目前之徵輸即收永遠之利益此誠安民致和之要務也緣係條奏字多逾格如果臣言不謬伏祈

皇上敕部施行

請釐正學宮從祀位次疏

李振裕

題為謹陳學宮從祀應行釐正事宜恭請

睿裁鑒定頒行併載入會典以昭畫一事伏遇我皇上法天體道尊聖崇儒凡夫禮樂制度大經大法無不修明而於學宮教化之源尤加崇重於是駕幸闕里敕撰志書特頒宸翰遍懸各學至於增設五經博士訪求先聖先儒後人寵被

膠庠恩流奕禩寰宇之內文明翔洽教化昌隆洵為萬世一時臣以庸才猥膺異數簡用督學江南自視事以來奉宣德化振飭文風報稱之思每懷靡及凡至按試地方展謁學宮竊見各學崇祀賢儒位次多未畫一退而考之會典舊本定

序亦多未安蓋緣前代議祀之時多草率而未加詳訂及至

議定通行之後又因循而憚於更張凡所未協之處前人亦

多議及但因未遇其時未得條陳釐正千秋有待今遇

聖代右文之時仰觀

皇上重道之主又逢較修會典之日誠宜及今釐正臣敢一一

備陳之如先儒左丘明既非孔子弟子不在先賢之列而位居西廡之三十則躐於東廡三十一位先賢秦非之上矣公

羊高伏勝亦以先儒而位居西廡之三十一三十二則躐於東廡三十二三十三兩位先賢申張顏曾之上矣西廡孔安國漢人也而居於東廡周儒穀梁赤之前西廡王通隋人也周敦頤歐陽修張載宋人也而列於東廡漢儒毛萇后蒼杜子春唐儒韓愈之上且西廡程頤先於東廡程顥則以弟先

兄西廡薛瑄王守仁先於東廡陸九淵許衡則以明先宋元不第此也即以一代言之而西廡南宋之朱熹亦不宜先於東廡汴宋之司馬光即以一廡言之而宋仁宗時之程頤亦不宜先於宋太宗時之胡瑗此其舛錯甚明衆所共曉止因從前兩廡從祀先賢中間雖有議改議黜之人如東廡黜顏何改曾黜孔鯉共三位西廡則黜公伯寮秦商申黨改遽伯玉林放顏無繇共六位於是東廡先賢尚有三十三位而西廡先賢則止二十九位當時議祀之人不知合敘兩廡東西遞遷而止各於東西兩廡用魚貫之法就便升躋以致西廡之儒躡出於東廡賢儒之上紊亂失次不唯列之學宮先儒之靈既有不安亦且載之會典傳之千秋而有此草率之文實非所以昭示大典也此外尚有宋儒羅從彥李侗受學楊

萬曆

卷一百四十七 藝文

圭

謝承先啓後實爲朱子之師明萬曆初年議增從祀止因在會典既成之後未經載入故今江南學宮多未遵行其有曾經增設者亦以議增在後故其位次多列於朱熹之下且有列於明儒薛王陳胡之末者後先倒置尤爲非體臣謹詳加考訂自東廡第三十一位先賢秦非以下兩廡對敘逐位遞遷而於先儒左丘明以下皆詳考其世儒同則論代代同則論年依次定位繕成圖式另送部科查核外理合具題伏乞

皇上敕部詳加議覆恭請

聖裁酌定通行直省學校凡有從祀位次錯誤不符者皆令遵照改正仍令載入會典垂之永久庶禮制由斯畫一而大典萬代光昭矣

請蠲浮糧疏

查培繼

題爲江西南南郡浮糧積困已極仰求一體減免以廣皇仁以免向隅事臣以外員代藩入覲臨行之時南昌一府七州縣士民攀轅號籲皆爲南昌府浮糧事以臣代覲天顏欲臣代陳苦累臣查此事始末自故明因陳友諒苛徵之額南昌袁瑞三府田糧比之鄰壤一倍加征三倍甚是偏枯本朝定鼎以來順治九年有藩司莊應會之條奏而袁瑞二府蒙恩減豁矣彼時南昌一府志冊無據不及同邀減免至我

皇上御極康熙元年藩司王庭入覲特行具題康熙十三年藩司劉健入覲又行具題部覆藩司王庭條奏奉有袁瑞二府浮糧既經減免這南昌府浮糧也著照袁瑞例行之

旨已經奉恩準減矣嗣因部覆以浮糧米石太多徵之年久遂

萬曆

卷一百四十七 藝文

圭

中士但據南昌浮糧合郡士民呈稱該府七州縣米原舊志額載稅苗米一十五萬九千一百一十五石零因陳友諒竊據橫征故明相沿不改賦役全書額載官民米共四十六萬二千六百九十九石零故至今分編本色漕米共二十二萬九千七百五十一石零計浮米一十四萬九千一百三十一石零分編折色糧差地畝等銀共三十萬三千二百二十三兩零計浮銀一十九萬五千一百二十二兩零夫以區區一府人民田土浮銀浮米每年至於如此之多民力豈能堪此況同一故明洪武所行甚久之事而袁瑞既邀免於前南昌不得邀免於後且已經奉

旨又復停行此南昌之苦在倒懸而數十年呼號痛切無時暫已也臣咫尺

天顏又奉條陳地方利弊之諭舍此不言無可言者且從前入觀之員無不以此條陳再三懇切臣若知而不言是仰負

皇上採訪之聖心兼負此一番入觀之大典矣況今正值我皇上聖仁神武埽定逆氛六合清晏天下為千載難遇之時

皇上為千載難遇之主一方士民三百餘年倒懸苦累今正其再見天日之年臣故不憚冒昧激切上陳伏乞

敕部確議查蠲則億兆再生傳之史冊則萬年頌聖矣
遵諭陳言疏 熊一瀟

題為遵諭敬陳南郡浮糧遺累疾苦最深仰祈敕部酌議蠲減以沛萬載之

皇恩以拯一方之民命事臣惟我皇上代天子民無事不以加惠元元為念如各省之蠲租近畿

之賑濟普天兆庶均在皇仁雨露中矣茲復軫念生民疾苦特諭部院科道諸臣共圖

拯救將切實裨益之處各據所見明白陳奏大哉王言正小民水火更生之日也臣於江西南昌府屬浮糧一事

聞見最真其疾苦最甚謹一一備陳之伏察臣鄉南昌府與袁州瑞州二府俱因陳友諒據地稱兵橫行加派較宋元舊

額每米一石浮至三倍明太祖惡友諒抗拒三府浮糧未經減除以致故明數百年來相沿拖欠民苦滋甚幸逢我

朝定鼎於順治二年按臣吳贊元將三府浮糧具題請減至順治十一年撫臣蔡士英復行題請彼時袁瑞二府已荷

天恩減免而南昌一府尚未邀恩康熙元年江西布政使臣王庭朝覲來京備將南昌浮糧苦累入告隨蒙行察該省督臣

張朝璘撫臣董衛國悉將加浮始末緣由具疏題請有袁瑞二府浮糧既經減免這南昌府浮糧也著照二府例行之

旨嗣因部覆浮糧漕米石以為減數太多遂爾中格後民人胡獻龍等合詞叩關復蒙行察該省督臣郎廷佐撫臣董衛國

據實請減部覆仍未準行是恩綸之浩蕩已頒而部議之施行未逮若不能不專待我

皇上特恩之下沛者臣伏察江右夙稱地瘠民貧又經逆賊金聲桓叛亂之後閭閻之蓋藏已盡室家之生聚甚稀他郡小

民竭蹶動動正賦尚苦難完何況南郡之民浮糧繁重三倍他郡又何以堪今日之財盡力窮顛連困苦未有甚於此地

者也臣思近畿真定保定等府恭遇我皇上親行巡幸目擊民艱以一年之災異非常咸得蒙恩蠲恤

而臣鄉獨遠在數千里外以數百年之浮糧苦累莫或蠲除萬姓喁喁翹首待澤則遠比袁瑞同情之例近邀真保一視

之仁天地覆載之弘必無有遺此一方之赤子者矣臣仰見我

皇上如天之仁遠軼唐虞臣若以條奏本鄉民生疾苦恐蹈徇情之愆瞻顧因循不敢入告是臣下負言責上負

皇上求言之意罪莫大焉為此冒昧詳陳伏乞敕部備察督撫案及藩司諸臣前後各疏詳加酌議或應全蠲或應量減請

旨特賜施行則殘黎積困得以少甦數百年之疾苦頓除而億萬載之恩施無斁矣

恭謝鵞湖書院
御書扁聯疏
白 潢

題爲

聖世崇隆正學

宸章寵被先儒懇賜詳題以伸謝悃事該臣看得驚湖書院爲有宋先儒講學之地蒙

皇上振興文教

御書窮理居敬扁額一副章巖月朗中天鏡石井波分太極泉對聯一聯頒賜書院於臣陛辭之日給發收領臣敬謹製備親齋懸挂訖欽惟我

皇上統承洙泗治軌唐虞四海同文冠百王而首出八紘在宥集千聖之大成作述兼隆勲華普被猶念江右乃人才淵藪而驚湖鍾川岳英靈朱陸之講席攸存賢聖之師承未遠特頒

宸翰

卷一百四十七藝文

主

宸翰用煥名區恭繹天文首崇實學作擘窠之字窮理居敬一言統學術之全揮垂露之毫石井章巖兩語揭山川之秀臣欽承

睿藻欣際昌辰敬卜清和高懸

御墨疊飛結宇騰千丈之祥光琰刻填金永萬年之盛事有雲而卿有星而景觀人文之化成如日之升如月之恒與乾坤而同壽將見中天朗月休光景鑠於西江太極甘泉沆瀣汪洋於廬阜家敦禮樂震賸盡沐君師啓牖之功入室升堂均沾天地生成之化茲據布政使司布政使許兆麟詳據通省紳士魯瑗等呈請代題恭謝

天恩等情前來臣不敢壅於上聞理合據詳具題

豫章書院恭請

御書扁額疏

奏爲恭請

御賜書院扁額以崇文教事竊照日就月將厥有藏修之所振民育德實爲教化之先期雋彥之奮興無忘敦學必

天章之光被用示訓行欽惟我

皇上聖功日躋文運天開聲教洽於九州勲華徧於萬國紀堯庭之蕙莢諸業交舒誦周雅之菁莪羣才樂育臣叨膺特簡鎮撫西江思化民成俗之方莫先造士而摩義漸仁之要首重息游工必居肆而後成學以切磋而有得此書院之興所宜亟亟也查得江西省城舊有豫章書院臣履任以來仰體宸衷加意文教因倡始修理錄士于文品之優者寢息其中臣

同督

卷一百四十七藝文

主

間督臣常鼎學臣王恩訓暨司道諸臣捐俸以資膏火日稽月考勉之有成然而

聖心所注則過化存神是以

宸翰下頒斯雲蒸霞蔚俯惟書院實爲鼓歌絃誦之區仰籲奎章式瞻雨露新猷之化澡身浴德儼咫尺之凜帝天說禮敦詩恍囊牆而見堯舜將見乾文綺縠西江易俗而移風睿藻驚翔多士回心而嚮道不啻啓愚蒙之聾聵而迪以聰明有如親

聖主之斧扆而聞茲提命臣不勝踴躍待命之至伏乞

皇上睿鑒施行

恭謝

天恩疏